

烟

草

譜

烟草譜卷五

古體詩

徐震脩卓峯

江南草色青江北愁思絕雙鬢紅雲卷單衫紫絲  
結綿綿碧草路離愁渺難訴昨夜起相思飛鴻鳴  
遠樹樹下立躊躇含悲泣路隅開門郎不至出門  
采芭菰采采對荒圃花葉交相舞歡道芭菰淡儂  
道相思苦相思減紅顏盡日倚闌干抽刀斷金絲  
金絲熏若蘭蘭香置懷中無言閉綺櫳望郎郎不

至駘蕩逐春風春風悲蕩子別恨何時已腸斷月  
明中淚揮清露裏含淚問歸期思心常依依芭菰  
淡似水行人知不知

諸 錦草廬

我性不嗜烟六十始愛烟是名淡芭菰見之姚旅  
編方寸多塊磊以烟全其天一吸四體和悠然見  
神全摧剛化爲柔利方以爲圓五味近乎辛養恬  
茲取憐餐霞自有客吐火寧無仙醉鄉不到此那

識羲皇年

錢大昕竹汀

小草淡巴菰得名蓋未久移栽始闔嶠近乃處處  
有烈日炙葉乾黃絲細如縵筠筒烟一縷相習以  
口受肺腑非鐵石火攻奚可狃奈何今時人嗜此  
不去手糜財更妨功濫觴起誰某安得拔其根卮  
茜種千畝

張翔鳳

閩田手攜三尺鋤囊裏幾粒淡巴菰逢人說烟鼓  
籠胡一筒抵得酒一壺亦不飲食筋骨舒種烟之

利與禾殊種禾只收利三倍種烟還獲十倍租沙  
田種烟烟葉瘦山田種烟烟味枯根長全賴地肥  
力氣厚半藉土膏腴越人嗜烟如嗜鼠寧可朝爨  
缺不厨黥者招困充力作上田百畝種九區可憐  
力薄苗葉短不似烟葉高扶疎憎苗愛烟戶相告  
老農傍睨欲色癰吁嗟老農勿健美此物鳩毒奇  
莫居食多積日煩剗殺肝腎焦灼勞醫巫棄灰往  
徃成失火焚燒廬舍殃池魚我聞前明有厲禁稍  
因瘴卒寬其誅無米令人俱餓死無烟豈遂傷毛

膚昔年眼見鬻烟賈掘田築室穿清渠比來米價  
真大貴里中惡少攫肉烏太倉拘米一掬珠陳腐  
爭噉如花猪種烟利厚趨者衆有田不稼將何如

朱邦垣梅籜

高堂席地紅鞵瑜鷓鴣香蕪黃金爐客來無語花  
語亂請君爲唱淡芭菰芭菰淡處人爭慕洋舶收  
來始散布托土香依茉莉花分秧影射波羅樹  
昔漳泉傳馬家先春抽出辛薑芽碧浮暑露干株  
葉紅入秋風幾穗花花開不上雙雲髻綠葉層層

光朗潤轉碧迴黃數日間匠人巧製傳芳詵芳信  
纏綿裁作絲人間從此重相思朝朝消受情何限  
日日相思有六時美人寂寞貯金屋階前栽就觀  
音竹角枕鴛鴦繡乍停宣爐龍鳳香初馥分得星  
星爍火薰異香那許外人聞垂將湘女窻前箔留  
住巫峯夢裏雲雲飛是處迷輕靄幽人閒坐偏無  
賴蘭子分來着意然緗囊收得輕垂帶緗囊蘭子  
總堪憐非霧非花妙莫傳客至正當茶未熟帳開  
常憶夜初眠少年別自饒風韻金鑊玉管長相近

吐傍花梢乍有痕淡遮月下微含暈聞道傳芳遍  
九邊引人何處不流連醺心夜伴葡萄酒破冷晨  
隨翡翠羈浦城闔地紛難記奈糖葢露爭名字南  
海檳榔未足誇東籬桑落空教醉日夕相思不厭  
頻容顏無奈暗銷春歌成寄語相思子第一相思  
最損人

徐以升階五

仙山產靈草種實繁有徒一物生島嶼厥名淡巴  
菰傳流內地漸滋蔓地利奪盡千膏腴斑斕拂拭



湘竹管金絲細揉閒吸呼初如篆烟輕裊裊百和  
乍起金香爐旋如鎖囊開兩角騰騰繞屋雲模糊  
南榮負暄春得酒辟寒除穢病骨蘇文瀾武庫藉  
觸撥心源一一開縈紆舟中馬上孤客枕味無味  
處還啜餽芸窻兀坐風雨候睡魔欲併愁魔驅女  
郎近亦弄狡獪芬芳吐納含櫻珠白雲一片雜蘭  
麝馥郁時露冰雪膚襄陽小兒不解事銅鞮唱罷  
爭時趨一錢買得恣噴薄渾如沙雁銜霜蘆何年  
蓄產此尤物薰肌入髓無處無漁洋山人精考核

露書載出東南隅韓公文筆妙天下癖好亦復同  
尊壺品題聊借玉堂雋逞妍抽秘爭形模前輩風  
流愧難繼作歌聊爾充吳歛

徐玉璫渭田

伊高麗之奇產乃番妃之英魂味辛辣而覺寒兮  
性去穢而溫磨氣遠揚而條暢兮狀如絲而紛緜  
佐茗椀之清冽兮實解醒之殊珍俾登薦兮嘉賓  
吸微醺兮眉顰旣瀟忿兮滌煩復止悲兮怡神熱  
攸德之具美兮非摘藻之能陳攸露書之所紀兮

宋之絕倫茲聯吟以贈巧今激餘味之津津  
吐錦心而張繡口今當與茶經荀譜而爲鄰

諸 聯晦薈

烟草種傳自宋外花似海棠葉似菜日中巧製製  
成絲暴乾等向漳泉賣漳泉馬氏更傳名辟瘴消  
寒最有靈石馬奈糖分次第金絲辣麝記分明不  
向靈均問醉醒不羨君謨鬥香茗餘韻能教舌底  
存孤燈寧放殘灰冷燭火星星徹夜薰噴從鼻觀  
繞烟雲香分蘭蕙花初放味勝葡萄酒半醺幽人

自號餐霞客手執琅玕不忍釋潤帶蘇膏味共甘  
清和蘭屑香堪匹亦有佳人字莫愁無聊日暮心  
悠悠錦囊繡鳳藏香袖筠管鑿牙倚畫樓笑問相  
思味多少相思滋味終難道芳名爭說返魂香碧  
苗競指忘憂草余自年來愁未鋤朝朝笑買黑於  
菟不識龍耕有瑤草含毫且詠淡芭菰

楊大春士補

有手不執鐵如意有手不捉玉麈尾但握湘筠吸  
縷雲絕似茗柯有實理心火豈因外火然青霞一

口嚼芳鮮胸中柴棘久化盡煖氣習習歸丹田此  
中空洞千卷儲淡巴菰妙同於書頻頻入口了無  
得繼乃至味來徐徐乾坤清氣入胸臆吐納萬象  
供卷舒詩魔暗黷睡魔攪藉此兼以書驅除其餘  
人嗜我非嗜那識瘡痂如鯁魚

五言律詩

查慎行初白

本業拋農務羣情逐貿遷  
刈藍初用染屑草半爲  
烟樹藝非嘉種膏腴等廢田  
家家坐艱食那得屢  
豐年

陳元龍廣陵

神農不及見博物幾曾聞  
似吐仙翁火初疑異草  
薰充腸無滓濁出口有氤氲  
妙趣偏相憶縈喉一  
朶雲

異種來西域流傳入漢家醉人無藉酒欵客未輸  
茶蒸合名承露囊應號辟邪閒來頻吐納攝衛比  
餐霞

細管通呼吸微噓一縷烟味從無味得情豈有情  
牽益氣驅胡霧清心却晝眠誰知飲食外別有意  
中緣

清氣滌昏憒精華任咀含吸虛能化實嘗苦有餘  
甘燭火寒能却長吁意似酣良宵人寂寞藉爾助  
高談

張 棠吟樵

何處相思草烘乾卵色天最宜消飯後亦可助尊  
前竹葉偏輸醉露芽還待煎碧筒聊借引呼吸任  
高眠

沈德潛歸愚

八閩滋種茨九字徧氤氳筒內通炎氣胸中吐白  
雲助薑均去穢遇酒共添醺名蓋露者可以醉客就火方知  
味寧同象齒焚

曹錫端菽衣



生來喜欲老味去果方青有氣回寒谷如雲蔽遠  
星戒難同酒誥品可續茶經鼻觀憑空火凌晨醉  
未醒

王丕烈東麓

幾枚看葉葉一縷自青青消渴扁從火禁寒可戴  
星味何諧末俗名豈著遺經雅許借茶戰還宜伴  
酒醒

陸瀛齡柳村

豈是金華殿爐烟篆字青九霄吹玉瑄一點象台

金 理天和

時時吞吐處繚繞似雲青細縷縈輕靄圓灰墮小  
星何須作酒頌不必著茶經既使醒能醉還令醉  
可醒

石氏墳邊草時人盡眼青輕嘯如吐霧細吸擬吞  
星 聖代初輸賦前修未著經暫教成薄醉不似  
酒難醒

沈心醇匏尊

四月分畦種園丁識歲華綠蕤侵藥壠黃葉遍村

家試火香畱篆聯吟語帶霞溪雲暉隔面繚繞欲  
生花

孟 啓墨農

擷茗分泉詩餐霞藝火嘗氣融胸際暖津潤舌根  
香輕吸雲絲碧頻揉金粉黃悶來聊藉遣敢擬養  
生方

飢餐渴飲外需此竟時時吹氣含空味回甘到淡  
思羶猶辛得解溫與胃偏宜疑薦碧甯酒醺然不  
自持

王永椿方干

便有氤氳氣飛來閩嶠青種成貝多葉掃落酒旗  
星雲老東坡屋茶芟陸羽經年年呼吸客貪醉不  
求醒

朱一飛玉堂

最愛相思草根從呂宋傳靜消千障霧閒靖百蠻  
烟味在酸醎外香生酒名前藝林如補植溫飽此  
中全

曹錫賁劔亭

那知世味外別有味堪嘗一自吹噓慣羣誇齒頰  
香雲霞生戶爍談笑帶雌黃轉怪醫經陋探按未  
著方

酒渴更殘後寒深夢覺時與君常作伴而我最相  
思功豈旗槍敵名參麴蘖宜何人不知味異議漫  
爭持

高 澍說霖

瑞草味何淡偏于呼吸宜翠筠如共命紅豆等相  
思旅館懷人夜寒窗覓句時睡餘聊一嚏爽氣沁

心脾

乍晴香乍蕪卯飲酒初醒解悶添清韻奇功補內  
經已噴烟作霧還戀火如星對客閒譚久蓮翻舌  
本青

王鵬飛

劇喜芭菰草相思不忍捐薰蕕原各判佩帶自常  
懸忽觸星星火旋生淡淡煙閒來握銀管日費幾  
青錢

明然季諾

致此日殊方偏宜帶火嘗拈裝斑竹管撮聚紫羅  
囊堪助談諧趣能增齒頰香辟寒同麴蘖解渴勝  
茶湯有客常充饋無風亦自揚晴窗雲鬢鬢午榻  
霧蒼茫裊裊縈珠箔霏霏繞畫梁不煩金鴨吐蘭  
麝已盈堂

翟 灝晴江

耕地栽瑤草能令四德俱占肥同黍麥望影接菱  
蒲載採香何烈云黃葉已枯縛箱通遠賈懸旆售  
通衢柿削堆初積絲分縷不鹿輕柔搓柳綫瑣碎

落金麩蘭屑紛攪和蘇膏暗沁濡慕羶情自切嗜  
炙性無殊費薄錢挑杖饑深唾漬盂細筒裁竹箭  
夾袋製羅縐佩或隨鳴珙攜常倩小奴鍤金抽篋  
輅律管實葭苧藉艾頻敲石攢灰尙撥爐乍疑伶  
秉籥復效咩小銜蘆墨飲三升盡火騰一縷孤似景  
驚談發如竿見花敷苦口成忠介焚心異鬱紆穢  
兼岑草亂醉擬碧筩呼焦燥寧生渴咀含漸得腴  
清醜忝鼻觀沈溷濁隴胡幻訝吞刀並寒能舉口  
驅餐霞方試秘厭火國非誣繞髮霧絲結盪胸雲



疊鋪積青疑斗室橫碧藻紗幘七灼心除疾三巢  
胃滌汚含來思邈邈策去少于于欵客猶先茗澆  
書不待醺澀回嘗橄欖疫辟浸菜莢洱海諸糧紬  
番禺蒟醬輸作駟多賸馥採藥早遺珠郭璞箋仍  
缺嵇含狀苾摹滇南功獨奏閩古路羣趨種未周  
三甲風先布八區相思名旖旎呵應語模糊損益  
人憑說辛芳爾不渝詩腸感蕙育吟謝淡巴菰

陸 煇子章

異種空前古巴菰九域覃靈地繁海外移植自漳

南吳普何曾識桐君亦未探謂猶遺李珣狀併闕  
稽含花鏡形初指露書名稍諳邊庭庸或賴黔首  
總全眈並筏魚鹽逐連膾桑苧參利多拋稼穡作  
苦罷原蠶蒔藝渾同菜沾濡每藉泔青葱臨夏陌  
紅艷照秋潭似茗收盈屋如菲牙滿籃十分勤剪  
剔一月廢玃簪打綠需時再罨黃計日三曝乾便  
夾竹取潤合裝甌品記金絲字香聞翠蓋談牙行  
各估值販客動論擔村落仍開市征途偶駐驂壓  
牀分縷縷貯盒競甃甃活火粘絨易斜陽引鏡堪

滇銅憐閣麗湘管逮丁男麝散還紫篆雲成更結  
曇結腸生別趣饒舌得回甘味愈清茶列功殊中  
酒酣果能消塊壘眞箇緩憂悵辛辣寧須桂調和  
絕勝甘烈愁潛草蜋芳辟蠹衣蟬凍夕蘇寒互蠻  
鄉敵瘴嵐久餐防灼肺勿藥定驅痰浩劫殘灰滅  
相思寸燼涵返魂如有術衆醉不妨貪

柴才次山

故園烟草色

李商隱

惠我在招呼

孟浩然

已賴陽和長

張友正

常看氣味殊

白居易

既能品似蜜

李端

實有醉如

愚杜結葢祥光迥林舒華瑞色敷柳宗元每懷勤握

手崔塗斥去亦須臾元稹逸致哦秋水孫日隆閒雲無日

無張喬

胡玉樹崑秀

閩貢饒煙草仙苗布種生焙雲炒竹葉切玉截蘭  
英挹潤青囊貯揉芳紫榼盛筒裁牙管淨液咽露  
華清小院荷風送疏簾麝氣迎水沉原異品鼻飲  
更磬名爐燼香猶裊燈殘火獨明芸窗吟思健呼  
吸一身輕

陸之鼎木

小苒來西域惺忪製獨奇  
打包箱滿貯切玉屑輕  
篩尖瘴誠堪碎嚴寒况可治  
未經償酒債又費買  
山貲入市頻勞我排愁摠賴伊  
日乾嫌力薄霧積  
怪烘遲漫道相煎急居然與俗宜  
分甘寧顧唾炎  
上勿燃睂氣自喉間吸風從鼻底吹  
探囊情復忝  
搗管興隨之茅拔心如結灰殘手肯離  
氤氲生齒  
頰溫飽及肝脾嚼火誰饒舌餐霞慣  
解頤料知無  
甚味暫別卽相思敲石三生契呵雲  
四面垂濃將

薰甲帳暖不藝丁皮頃刻消金粉續紛續錦絲纏  
腸名士熱鈿盒美人貽辨性通薑桂流膏勝醴飴  
非茶偏療渴無米亦充飢曉夢婆催後清談客到  
時胸襟能盪滌臭味詎差池酷嗜真成癖忘憂莫  
笑癡願陪蘭室裏聊當辦香持

烟草譜卷五

烟草譜卷六

七言律詩

青浦陳琮愛筠輯

恒 仁月山

異俗誰傳遍，四垂紛紛茹。苦勝含飴爲，貪雲霧生  
衣細不藉。壺觴畱客遲，銀管幾燃燼。渾致醉烏絲，一  
縷欲忘飢。韓公愛酒難兼得，笑煞沈吟去取時。

許 虬竹隱

寒鐸吐蘂客蒼茫，手簇金絲佩一囊。水陸味空諸  
品錯，消輕暖入九迴腸。杯間竹葉還同醉，笛散梅



花豈回陽照食年來隨地起藉他馬上禦風霜

汪師韓圩懷

移根呂宋始何年芳草從新拜號烟匹馬就韁歸  
漢壘一軍提鼓入蠻天漸教禁榷權豐幣競以吹  
噓費壯錢荼苦南中空紀錄酪以人久薄春泉  
瑤草耕烟歲取資黃雲葉葉柳絲絲茅柴霽景編  
籬薄筐篚宵分析縷遲風俗小函盛滿把火傳重  
暈結相思傾心還有壺公在鼻觀通參出愈奇  
龍巖石馬外諸餘于橐于囊聚物殊食籍數浮黃

矮萊詞林名重淡巴菰三餐果腹初虛口五字微  
吟正惜鬚擣取及時供絡繹并申僮約古從無  
偶共香燒性已諳一枝熺炤手頻擔方言有底爭  
衡酒詩境無聊作配藍噓氣憑依吞篆少熏心虛  
美落灰慙不知通介誰邊得暇牙芸編佐筆談

毛思正海客

礮田曾見碧苗滋細髮薰成好護持暗啟緗囊翻  
露葉輕拈筠管簇金絲最宜酒暈微酣後看取蘭  
芬乍嫩時一自余糖灰漸冷柔腸無限繫相思

趙 聖 甌 北

淡苧味不入鹹酸偏惹相思欲斷難豈學仙能吸  
雲霧幾令人變黑心肝噴浮銀管香驅穢暖入丹  
田氣辟寒贏得先生誇老健鼻尖出火駭旁觀

李大恒栲友

金縷拈來百和香燈前風味貯青囊芬流齒頰餐  
霞客酣入心脾辟穀方繞榻徐徐醒旅夢侵簾裊  
裊引詩腸爨巴喫水張超霧可比筠筒醉一場

張世昌兆田

露葉熏乾剪作絲，余糖風味最相思。乍含筠管植  
心破，頻啟羅囊玉手持。吸取雀爐紅火小，噴來鼻  
觀碧雲遲。剩田一種芭菰草，供我微酣薄醉時。

高世鏞小雲

遼海傳來翠一叢，馥馥鼻觀已灌通。餐霞不用凌  
晨起，就煖無須近夜烘。光映瑤盤金葉縷，香攜綠  
袖綠筠筒。農皇若蚤親嘗徧，割取良苗地幾弓。

下種何須問老農，平畦薺靡綠雲重。味分雨後高  
低葉色辨，風前長短茸蘭佩。一囊含潤貯花牋，五

采帶香封生名會號相思草恠底相思分外濃

會傳馬氏新標製萬里分攜大小那名自前朝誇  
第一種來天任擅無雙縣旌近傍娉婷市遺馥遙  
吹窈窕窻觀我朶頤簾下過幾人淹袖望風降

牀頭鵲尾剩餘溫小坐含烟靜掩門玉盒藏來千  
縷潤鏡屏行處一痕昏看花選石和香咽移榻臨  
池對墨噴我欲夢中傳品格裕陵羅漢十三尊

睡起慵施金步搖綠窗一簇手拈燒笑揩鸞袖香  
生唾醉上桃腮紅暈潮絕勝文君閒對酒休誇羸

女善吹簫此身願化爲雲雨晨夕氛氲傍翠翹  
酒頌茶經此又添朝朝研北置瑤匳飲衣風日功  
同稼車馬江淮富擬塩會返片魂歸寂寞却從一  
竅得香甜从今似握湘東管五色雲中信手拈

吳文徽德音

迥異支離地踏菰懸知佳植此間無古稱益露來

方外

蓋露烟名

今人芬吹繞座滿

閩人呼烟袋爲芬吹

客至歡呼

通欵洽醉時噓吸足清娛相違片刻相思甚一縷  
情懷埒友于

願 吟蘭塘

小葺何曾借齒牙  
桐君藥性玉川茶  
破除瘴雨荒  
椰樹消受春風  
荳蔻花只有清談能待客  
不因善釀始名家  
窮來縱使晨炊斷  
爲女兆錢費畫叉

蘭絲一樣翠  
纖纖位置碁枰  
枰與書函噓氣畧存雲  
意思唾香應兒鶴  
憎嫌燒餘椒桂心  
原熱臥到藤蘿  
夢亦甜此後吟髭容  
漫撚晴窗不畏攷詩嚴

姚嘉謀雲谷

細撚金絲帶淺黃  
一團採取紫羅囊  
饒他吞吐烟

霞氣倩我吹噓齒頰香味到空空剛瞬眼裊來曲  
曲出迴腸閒時儘有撩人趣畧惹氤氳入醉鄉

紀氏聯句詩

自敘畧云烟草之平於今為盛然名賢題詠苦乏流傳余少解

韻語曾與兄仙岩妹吟房家庭唱酬偶拈是題

聖火網緼自昔傳

紀兆芝

分明是草劫名烟製成一

味堪消穢

紀兆蕙

不食多時豈遂似琢勻彩霞生管

上

紀兆蓮

停樽看霧滿筵前祛寒解鬱兼除瘴

紀兆芳好

倩瀟湖補舊編

紀兆蕙

駱存智織峯



小草知名近始傳，含咀香散玉堂烟。怡神不減餐霞客，幻彩翻疑吐火仙。消我閒愁明月下，助人詩興晚風前。君家棣萼工題品，尤羨才高咏絮編。

姜令訪鶴溪

薦菸北地舖名傳，南國人家盡乍烟。細切縷絲分異種，品嘗氣味欲登仙。飯餘捻管通脾裏，茶罷噓雲起席前。引取謝庭詩思，輒吟成四韻，萼村編。

寶國華徽軒

佳種原從異域傳，巴孤雅品俗呼烟。噴來縹緲雲

生坐吸盡繽紛露滴仙解鬱宜和乘霧下忘飢破  
悶佐筵前若教紅袖憑欄立引得相思入豔編

顧光涑園

小草何來牒譜傳呼童買得日噓烟韻流湘管溫  
開爵香入詩脾醉欲仙有味宜人薰酒後多情款  
客奉茶前相思一種難拋處從此新吟足綺編

蔣詩庭韻菴

芭蕉肇錫令夕傳別號相思裊細烟一縷氤氳出  
寸管五雲縹緲接飛仙慣隨高士烹茶後曾倚佳

人醉酒前老我未能消永晝小窻時伴檢芸編

范有筠禮庭

桐君著錄未旨傳海外移永識是烟行遍九州無  
不嗜吸由一管擬通仙遺鬢玉貌或遺露輕擁晴  
絲却復前遙憶蓬壺能種否餐餐遺法紀瑤編

董永攀丹崖

天生瑞草待人傳海上巴菰俗日烟吹起損簾詩  
並秀吟來閨閣句疑仙香飄糺縵卿雲外妙入氤  
氲醉月前花譜茶經郁數見新刊小雅一家編

周 融晴川

粗枝大葉競相傳少借吹噓作瑞烟暖入齒牙方  
勝酒香清肺腑欲通仙數重霧散畱賓後幾片雲  
生得句前從此品題江海遍不須方外索遺編

潘世恩芝軒

淡巴菰種自誰傳佳品駢羅曷碧州寧慣生花人  
有癖雲成噓氣草疑仙篆飄一縷停盃後香送連  
番瀟茗前吐紅英華供琢句從今詠物譜新編

葉 潘古渠

仁苴攜來袋廣傳未經火山卽名烟灰飛可是因  
吹管醉味渾如已得仙學士最宜吞篆際幽情閒  
點撻雲前從今菽圃多珍重果號寧惟小識編

趙文楷介山

種自前朝馬氏傳噴來如霧亦如烟管分呂宋腸  
能醉吟到香闌句欲仙不藉檳榔消食後聊借茗  
芽佐筵前露書花鏡誇嘉話剩有新詩續舊編

陸言心蘭

一枝瑤草露書傳海外呼龍種紫烟石火敲寒香

欲醉蘭雲吹暖望如仙吟懷助我銜杯後風味撩  
人試茗前聞道金絲真瑞品相思重爲檢芸編

馮 培寶菴

餐霞吸霧法誰傳斗室俄看繞篆烟堪配茶經畱  
上客不辭火食作頑仙抽思緒尋詩外納爽功  
開中酒前添得凌雲新詠在謝家芳草一時編

吳錫麒穀人

相思渺渺味難傳紫玉真疑魄化烟小草蔓延愁  
奪稼輕雲可吸學游仙消寒半在蒙衾後取醉濃

於被酒前皆好態魚評莫定幾人曰下剩吟編

沈光春山漁

千絲萬片製初傳寒食何妨不禁烟晨夢乍醒先  
握管香魂可返卽登仙因知味在酸鹹外最愛情  
添詩酒前今日謝家珠玉出合教續新編

羅長庚西岷

九曲靈芝祇浪傳何如園草織輕烟濃分瑞霧荷  
缸側細吐清香竹架前對客漫誇婪尾酒餐雲不  
減地行仙閒窻新訂羣芳譜百草都應載後編

陸夢弼容齋

清奇異品妙難傳  
小草敷榮亦號烟  
擗管呼時雲縷碧  
含香咀處玉神仙  
攜來最稱晴風下  
取去還宜曉霧前  
未免有情誰遣此  
如將佳味詠新編

顏廷曜質民

辨得清奇味可傳  
漫敲石火吸雲烟  
獨吟半藉吹噓力  
對奕如看縹緲仙  
不比燃藜驚閣內  
直教吐氣達階前  
謝庭自此成佳詠  
畱與熙朝博學編

郭 乾研漁



一卷新詩得未傳閒情別寄草中烟畱香直悟聞  
思地食火何嫌姑射仙自有酸臈來味外更無塵  
空到花前從茲筍譜茶經後好與羣芳補異編

邛 登香樵

仁草羣知海外傳吹來如霧復如烟芳名八角香  
疑夢花氣三分醉欲仙詞客夜涼攜案畔美人春  
困倚牕前閒情一種憑誰識我媿聯吟棣萼編

宋 鈺二如

小草珍從名士傳嶺南嘉產號爲烟清香噴處雲

生屋新詠投來句欲仙有客供將烹茗後拈題待  
爾彩毫前箇中畢竟何滋味翻盡瀕湖釋性編

羅錫祚蘭友

誰攜荒徼種遙傳香艸細緝化作烟豈信流芬能  
偏戶也教服氣可如仙蘭吹澗澗疎簾外絨唾津  
生倦榻前贏得謝庭新詠好不須典故覓陳編

周心維玉持

物經吟咏更堪傳人尙清言盡嗜烟味達詩脾能  
醒酒香通蒲團欲登仙題罷世刻諸書後種自天

生百草前送慶紀庭園瑞壽淡芭蕉句出新編

陳壽祺恭甫

未是仙人便海霞一痕噴標上窻紗最能許茗遷  
銷酒全欲捎風却泥花清簾疎疎不見乾荷漏  
麝認都差祇應迷迭堪相亞鴨子爐邊寶篆斜

姚淵

小草無端化作煙乍經離火已飄然閒偕賓客陪  
清茗願共雲霞上碧天吐納不差蘭臭味芬芳終  
待口流傳漫嫌一縷雲情薄擬與爐香結夙緣

紀兆芝仙巖

芳園有草號相思道是如蔬不療飢客到華堂纔  
坐後朋來書館倦談時却教饞舌甘能得豈似天  
葩吐亦奇莫說巴菇功甚細清齋也可伴卮彝

紀兆蕙蓉圃

海邦佳品夙云良無味之中味更長噴出口邊雲  
鬢鬢衝來鼻觀氣芬芳豈同甕菜堪供饌漫比金  
諸可救荒自笑年來也愛此消悶倦榻總難忘

紀兆蓮吟房

金絲奇品競相誇吐納人餐日月華真有濟芬留  
齒頰何妨乞火到山家醇醲疑饌麻姑酒馥郁如  
烹穀雨茶莫怪今時多爾愛年來栽植倍桑麻

姚 洵問匏

別題香草祇空描新附羣芳目乍標拈出小團如  
灼艾帶些微辣似焚椒欲宜燥濕重重裹爲辨薰  
蕪細細燒怕我詩腸溫不暖一空清氣又飄飄

楊受廷虛谷

淡巴菰號最先傳又道相思草是旃嘉種攜來

異域肥苗栽處識良田金刀迸落絲惟細玉管中  
通象賁圓吐納細縕迴肺腑品嘗滋味辨媿妍香  
如蘭蕙真多趣醉擬醒醐便欲仙也助文人成錦  
繡能于邃室起雲煙驅寒辟穢功爲大遣睡消愁  
術曰賢那論晨興和夜坐偏宜酉後與茶前頻敲  
石火寧辭倦自佩荷囊致可憐別有新奇勞鼻觀  
翻因變化引壺泉專家列拜居常倍析類分名譜  
待詮請看嗜同原八九今時雅尚豈徒然

歸懋儀佩瑯

誰知渴飲飢餐外，小草呈詩妙味符。  
論古忽驚窓滿霧，敲詩共訝口生蓮。  
線香燃得看徐噴，荷柄裝成試下咽。  
縷繞珠簾風引細，影分金鼎篆初圓。  
筒需斑竹工誇巧，製藉塗銀飾逞妍。  
几席沾來常伴筆，登臨攜去亦隨鞭。  
久將與化嗙還吸，味美於回徃復旋。  
欲數淡芭菰故實，玉堂久已著瑤篇。

烟草譜卷六

烟草譜卷七

絕句

吳偉業梅村

含香吐聖火碧縷生微烟  
知郎心腸熱口是金博

山

梅村新翻子夜歌張如  
哉日第二首就烟草

方文爾止

清晨旅舍降嬋娟  
便脫紅袞上炕眠  
傍晚起來無箇事  
一回小出一箇烟

尤侗悔菴



起捲珠簾怯曉寒侍兒吹火鏡臺前朝雲暮雨尋  
常事又化巫山一段烟

烏絲一縷賽香荃細口櫻桃紅欲然生小粧樓誰  
教得前身合是步非烟

剪結同心花可憐玉唇含吐亦嫵然分明樓上吹  
簫女彩鳳聲中引紫烟

天生小草醉嬋娟低暈春山髻半偏還倩檀郎輕  
約住祇愁紫玉去如烟

斗帳熏篝薄雪天泥郎同醉伴郎眠殷勤寄信天

台女莫種桃花只種烟

彤管題殘銀管燃香奩破盡薛濤箋更教婢學夫  
人慣伏侍雲翹有裊烟

楊守知次也

白石敲光細火紅繡襟私貯小金筒口中吹出如  
蘭氣僥倖何人在下風

董偉業恥夫

不惜黃金買妓童口含烟送主人翁看他呼吸關  
情甚步步相隨雲霧中

繆良蓮仙

無端玉漏觸離思香燼茶溫欲曉時拚得終宵眠  
不穩起尋湘管吸金絲

汪東鑑竹鄰

見人佯避又遲遲白嫩新來小媳兒也識箇中滋  
味美竹烟筩吸細香絲

祝德麟芷塘

草中煙草昔時無題目鮮新體格殊倘舉鷓鴣  
蝶例芳名應屬淡巴菇

潘汝炯石舟

二者何先去酒壘韓公昔賦淡芭蕉而今又讀新  
詩句萍水相逢在鏡湖

顧 皋晴芬

一家才藻擅吟場七字詩成烟直蒼  
不是詞人多  
慧舌箇中真味本來長

龍涎香詠淡芭蕉樊榭山人絕妙詞此後繼聲誰  
許並西湖新製紀家詩

蔡春雷雲卿

淡芭蕉草白宜時弱翠鑲成斑竹枝一種閒愁消  
未得酒闌夢醒最相思

吳應泰望巖

妙緒聯綿細不禁藹然芳意入人深  
絲絲氣息通猶未早得靈犀一點心

心持半偈定香含五蘊空空本舊諳  
欲乞禪家三昧火旋教鼻觀靜中參

王初桐李湘芝聯句

日長倦繡綠窻中  
桐半晌騰騰篆滿空  
芝簾影參

差人影瘦非花非霧太濛濛

桐

高句麗裝最合時

桐

絳唇含吐細如絲

芝

遮來味

得氤氳氣一點蘭情是口脂

桐

沈 彩虹屏

自疑身是謫仙姝  
沈瀧瓊漿果腹無  
欲不食人間煙火  
却餐一炷淡芭菰

烟筒詩

余錫純兼五

蜀錦連頭裹長懸小史身醉醒字與我通塞每關  
人失手難全節輕烟不禁言琅玕吾自貴辛苦爲  
裝銀

曹仁虎習菴

學得餐霞法筠竿巧製宜吹噓長日便冷煖一心  
知入手同操管隨身等佩觿寘筵分送早便抵滄  
春旗

陳業

截得篔簹竹裝成一勺宜烟雲時吐納杖履慣追  
隨直欲凌茶椀還堪敵酒卮吟邊與夢後正爾繫  
相思

金堂櫟園

攜得虛心友芝蘭氣味深行時兼橐筆啟處恰囊  
琴惜別夢相憶陶情喜莫祭平生山水興藉爾伴  
清吟

何其偉韋人



笑問今天下何人可暫離亦知無甚味只是惹相思  
客至清談後愁來冷坐時茶囊和酒袋親狎弗  
如伊

王 露蘭皋

荆湘竹子蜀滇銅巧斲精鎔匠製二昔以虛心安  
冷淡畱將直節示圓融橫陳玲席霞光起倦倚蘭  
閨麝氣通酒瓊茶鐙成素侶幾番石火借微紅  
織質盈盈數握長一時流播滿江鄉多情愛接櫻  
桃口噓氣閒熏冰雪陽情到老來知愈辣味從回

處有餘香詩翁夜半吟脾澀許爾相依近象床  
不雜薰蕕氣味清靈犀一點最通明好傳呼吸仙  
人訣善遣蕭閒逸客情入握儼同斑管樣頻吹不  
作洞簫聲咀含味到津津處直似流涎向麴生  
曾是虛中特達材奚僮雙手妙搗杵摸稜未免因  
人熱到底何妨剩却灰月夕花期時把握旗亭幔  
壁也追陪尋常掛齒初無礙玉箸牙籌莫見猜  
薄霧輕雲冉冉吹朋儕聚處每交枝原知通塞無  
常局不信炎涼只片時巒嶺曉鞍消瘴氣蕉窻夜

繁佐文思淡巴菰已知名久燃熄憑渠獨主持  
羅胸芳縷壓枴檀夏辟炎蒸冬辟寒綺陌春遊隨  
馬策釣磯閒坐設魚竿蟬金爭繡隕柳盒鑿錫空  
雕鴉片盤那似此君瀟灑此氤氳時傍五雲端

金鴻著寶函

氣在椒風蕙露先一枝斑竹本含烟折來空谷姿  
原秀髮到薰爐質更堅時向口中飛白鳳每于舌  
底漾青蓮自從識得相思意日日摩挲不記年

撚就芳蕤一顆圓微香吹近畫欄邊琅玕字刻家

家玉翡翠痕添朵朵烟

近日嘉定竹刻最勝有風以雲南翡翠石鑿口者

去紋簾還細裊擎來纖手不空拳若教王謝生今日揮塵閒時與有緣

綠筠倒卷小荷筒角挂細囊頰玉瓏月社聯吟常作伴花曹鬪酒最多功干絲瑋茸龍耕後幾縷巫雲鳳管中也似靈犀通一點華池水湛味初融

製度由來絕世工暗將懷抱付筠筒  
窗雲霧生衣上染壁椒蘭石手中拾翠  
何人情宛約餐霞有客氣空濛憶曾春雪孤蓬夜爲欲消寒喚玉僮

孫鳴鸞嘯山

結得貧簪夙世緣一經到手幾曾捐相思易惹心  
中熱尋吟難教口下咽爲帶笑宜常落後每逢客  
至最從先非充飢腹非消渴直遣閒情數十年

陶梁鳧鄉

天畱美箭豁羣蒙蕩滌煩襟仗汝功味領清虛資  
導引垢除滓穢藉消融餐霞宛似吞丹篆吸露曾  
殊勸碧筒自愛剛裁斑竹老祇愁索取錦囊空醉  
心已覺穠如酒吐氣頻驚渴似虹乘興咀含添供

養得閒把握慎磨礪靈根豈或因茅塞錮疾何妨  
仰火攻律轉春疑吹欲暝灰飛候訝管旋通終朝  
覓句頤方解晚歲耽書嗜與同鼻飲未堪珍類玉  
水沈翻恨臭遺銅噓枯潤合華泉漱幻態紛看霧  
影濛茗盃藥鑪收拾盡一枝長夢在湘東

陸之櫟著山

質自圓融性自和削成三尺日摩挲攜來半作吹  
簫客始信人間乞相多

烟草譜卷七

烟草譜卷八

詞

青浦陳琮愛筠輯

錢芳標蕪鮫

白嶽嵐濃綠江沙淨無端  
只出有情枝葉雪正狂  
時酒微醺後何物繫人思  
切一念能腰管伴紅簾  
由來心熱錦囊輕裹蠻  
鞞小貯檀唇親齧身豈  
炷香金鴨也教似線篆  
痕罈結屑麵桃郎榨漿  
柳子風味較伊都劣紫玉  
潛銷處唾花圓地衣成  
纈爲伊半晌扶頭倦眼  
欲擡還怯

青門飲

何承燕

吐納櫻唇氛氳蘭氣玉纖握處堪憐脂香粉澤分  
外覺清妍豈是陽臺行雨剛來是十二峯邊闌干  
外風鬟霧鬢猶自繞雲烟 流連怎禁得相思暗  
結閒悶難捐算消遣春愁此最爲 尤怪庖鴛鴦繡  
倦停鍼坐便爾情牽恰喜六 知心小婢一筴遮嬋  
娟 滿庭芳

張 繫采子

竹影搖窻想花落案畫景依然奈春困難支宿醒



未解鳳團初熟獸炭猶燃漫檢細囊笑拈銀管金  
屑珍珍素指俾湘簾外裊雲烟一縷繚繞花前

闌干徙倚俄延漸粉腕嬌凭小婢肩任寶鴨香消  
嬾添蘭麝雲鬟斜墮慵整冰鈿半晌曹騰片時掩  
冉一枕邯鄲別有天還堪戀泊柔腸乍冷願與流  
連沁園春

厲 鶚太鴻

瀛嶼沙空星槎翠翦耕龍罷種瑤草秋葉頻翻春  
絲細吐寄與繡囊函小荷筍漫試正一點溫磨相

惱纔近朱櫻破處堪憐蕙風初裊  
嬌寒戰回料峭勝檳榔爲銷殘  
飽旅枕半欹熏透夢闌人悄幾  
縷巫雲尙在濺唾袖餘花未忘了  
喚剔春燈暗紫醉抱天香

陸 培南香

沙海根移鴨江船販巴菰暗省芳字  
碎剪連腔勻鋪夾竹縷縷翠絲分製  
羅囊貯沾問小管玲瓏攜未閒悶閒  
愁破待南人北人都嗜 曹騰被他睡  
起噴蘭膏裊來香穗憤倩石根敲火  
燼餘重試佳

處無言自領其雪乳  
甌香較風味好和新聲休徵  
故事 子香

陳章授衣

湘箔排乾并刀縷膩鷺兒  
嫩羽盈把曲項鏤金通  
中截管石火星星迸乍疎  
簾霧曼正櫻顚吹噓蘭  
麝誰道縈懷綰抱花陰  
暗香相惹移根自來海  
汶種春風遍依田舍便  
少論功仙錄浣愁堪藉  
客到茶甌未泛領舌本  
芳辛漫閒話更憶銷寒  
孤篷

雪夜

天香

鄭廷暘峒谷

縈霧難分撩雲不定也同膚寸俄泛敲火星紅探  
蕤囊紫想像苦吟巾墊閑窗逸興算比似茶芽未  
減徐吸靈犀春透分明玉池波湛 湘筠一枝倚  
檻忍拋他冷灰殘燄况是酒闌人靜夜寒尋念睡  
鴨鑪熏漸燼但裊裊輕絲心風颭誰唾香痕碧鋪  
細點 天香

朱方藹春橋

瀛島傳香問山分翠江鄉近日都有綠葉齊乾金

絲細切味比檳榔差厚玉纖拈得待吸取清芬盈  
口朶朶巫雲輕颺餘痕隔簾微透 筠筒一枝在  
手悶無聊儘消殘晷畱客茶鐙未熟探囊先授最  
憶宵寒時候頻喚剔春燈小紅豆幾度氤氳如中  
卯酒 天香

朱 研紫岑

石火敲紅筠篔暈碧金絲細細初燃冷夢春殘甜  
香午醉縹緲楚雲千片憑闌小立又夕靄霏微庭  
院消受羅囊暗佩勾留蕙鑪餘篆 東風鬪茶候

暖伴無聊隔花人遠尚憶晚移珠舶瑤箱輕展雨  
島潮田綠遍待喚取耕龍起天半海上餐霞飛仙  
舊館天香

吳 煇荀叔

梅雨添肥梨雲送暖疎疎綠近南國溟嶠移根仙  
槎載種不入人間花譜銀刀淬雪細琢就金絲千  
縷恰配沉檀一點餘香暗縈窻戶 廻廊夜涼小  
步瀉甘潮玉甌頻注輕擘蠻牋相伴閒吟情緒最  
是倚樓人去正獨掩屏山共誰語雞舌微馨憑伊

驗取天香

王 昶述卷

綠映滄波青分海樹憑誰種向瓊島珠舶攜來花  
畦種後製出香絲多少羅裳暗貯還恰值筠窻秋  
曉幾度春葱輕剔閒拈碧荷簞小 獸炭又殘瑞

腦撥餘熏爲禁寒峭一點絳脣開處蕙風低裊薄  
醉依稀犯卯伴岑寂何須玉尊倒飛遍巫雲翦燈  
夜悄天香

銀鴨烟銷玉鳧灰冷疎燈落盡殘燄小挈筠簞閒

水滸傳 卷之九 三  
攜錦袋試向短檠輕點朱櫻欲破喜一縷仙雲冉  
冉桃頰徐生薄暈羅衣半凭畫檻 小樓晚寒斜  
掩唾珠圓細黏蠻琰忽憶海天波靜載來吳艦幾  
片蘭香重染奈荀令愁深賦情減怕惹相思夜闌

淒黯

前調

王又曾穀原

篋籠勻鋪銀刀細切絲絲盡化金縷葱莖點注櫻  
顚含咀散作一天花霧恁般滋味比橄欖檳榔猶  
愈髮髻挑燈夜悄謾解羅囊無語 相思日常幾



度把筠枝頓忘吟苦最是夢闌酒醒那回情緒石  
火星星迸處漸一陣蘭香暗中吐怕不禁寒爐薰  
便住 天香

許寶善穆堂

淺碧苗新淡紅花亞絲絲切戒金中酒量微酣蘭  
芬乍裊好伴綠窻殘雨緜囊半展試小約春纖拈  
取珠箔銀床繡倦凭闌夜深無語 燈前翠筠慢  
舉泥檀郎倚肩分與怪說昨宵底事帶羞佯吐最  
是月斜朱戶似一朵芙蓉繞香霧更撥殘灰爐薰

細炷

天香

凌應會祖錫

蓬嶼春回椒邛候暖芳蕤帶露初擷細剪香絲輕  
團雲片付與紫囊收拾筠筒乍試愛縷縷撩人清  
絕心字休添寶篆輸他禁寒泮泮尊前漫疑醉  
纈裊重簾惠風徐拂最憶苦吟無緒雀爐閒撥霞  
客情懷自別又肯羨郎官吮雞舌沉澀同餐羅衿  
翠氍

天香

吳泰來竹嶼

碧減蘆芽黃，分箸縷鮫宮。細剪初就艾，帳微溫蘭  
缸欲燼，熏人半消殘酒。蓮筒倒捲，看縹紗金絲縈  
袖，攬取巫雲正結。依稀夢闌時候，文園坐遲永。  
畫肯閒將八叉吟手，最好控爐簾閣，峭寒三九鼻  
觀會叅香透。只一種相思，怎消受。付與蕉窗吐絨  
笑口。天香

朱 昂秋潭

閩島香苗，蠻荒翠卉，移來遍種。瑤圃小貯筠箱，初  
停海舶。巧製漫抽金縷，輕寒薄醉，恁解釋相思意。

緒殘夢沉吟倚枕雙鬟點燈低語  
修廊幾回覓  
句試牙筩隔簾花霧記否繡囊閒展玉纖拈取隱  
約朱唇啟處看一朵巫雲暗飛去茗椀纔收蘭膏  
細吐天香

趙文哲升之

花厂梳風礮田漲雨高低翠色如染葉葉輕翻絲  
絲細剪攜取市茶江店簫材鬪玉看小撥博山紅  
閃無限烟霞况味悠然伴人無厭  
幾番夢回帳  
掩壓微寒繡襦初減欹枕半醺絕勝九蘭香礮一

別心灰乍冷，但漆盞羅囊，委箱箴倚。醉尋思，憑  
畫檻。丁香

朱漢倬葯房

寶鴨爐溫，金絲帳麗，池塘柳色春鎖。小撥筠簞微  
拈玉，合却捲繡簾閒坐。蘭閣晝永，只帶醉看雲肩  
半鞦。依約蔥根細剔，羅巾粉香塵浣。鶯啼午窻  
夢破，乍晴天試鑱新火，伴爾酒茶當去嫩寒初過。  
嫋嫋湘筒翠畏待散盡，氤氳露珠唾。一寸相思心

灰意情

天香

張熙純策時

芳訝熏蘭溫疑麝  
牙筒縷縷香噴曾  
宋忘憂更憐服媚  
底事遜伊清韻何  
堪忍俊看小醉已  
添微暈縹緲吟情  
正遠明霞幾番徐  
引羅囊漫愁易盡  
望瓊沙翠雲連畛  
試摘早春絳蕊露  
芽同嫩最憶甘回  
舌本便一片氤氳  
上窗潤無限相思  
夢闌

酒困

天香

朱棧恭桂泉

銀葉初銷玉鑪乍  
燼憑誰更遣蕭寂  
小擷羅囊重

攜筠管趁取蘭缸未息清吟欲倦看一縷輕霞漾  
碧裊裊徐縈簾影霏霏暗籠牕隙 回思海天暮  
色映滄波綠連芳陌幾度金刀剪罷裝來番舶最  
憶酒邊花外暈薄醉微醺乍寒夕剩有殘灰春葱  
細剔 天香

吳元潤蘭汀

香采瀟洲船回海市連雲草色遙野錦篋函黃筠  
籠焙碧裊裊金絲抽罷鞞刀寶帶笑却稱綵囊斜  
挂纔捲疎簾嵐霧微聞小爐薰麝 西窻伴伊夜

話雨廉纖燭華初炷想像玉京人去味同諸蔗索  
句迴廊曲榭別一種相思筆難寫醉搵桃腮春凝  
繡帕 天香

蔣業鼎菴酒

粵嶠檳榔湘洲蕙蔭輸他品味難狀月社聯詩花  
曹鬪酒鏤管慢薰簾幌紅閨繡倦更笑覷春雲飄  
颺玉手曾畱艷跡紗囊最宜新棹 情絲繫人夢  
想納微涼晚霞時朗甚日斗槎親泛潮沙初漲翠  
鳥歸帆無恙謝海客芳鞋遠相餉醉剔銀缸香流



桂帳 天香

吳錫麒 穀人

瑤草深耕瓊絲密鑣煙霞散入八世吸似荷筒敲  
便石火領取炙餘風味朱櫻小破認朶朶蓮翻舌  
底閒趁銀釭未滅假衾試銷寒意 溫廉引人如  
醉慰孤愁麴生差擬翠點秋衫猶記唾花香膩百  
種相思欲寄奈化作巫雲又輕墜颺出紋簾合成  
心字 天香

吳蔚光 菝茀

蔗圃澆了荔亭晒葉箱箱剝就金線繡袋勻函鏤  
筒徐吸爍過着番親換薰人沒緒噴幾葉巫雲撩  
亂看被晴絲曳去花梢軟風拖散 朋來乍遲茗

盃借微醺韻于酣半擱到灰溫脂嫩匣中紅豆消  
得相思並喚况荻雨烏篷火星閃一炷愁苗秋衾

夢斷

天香

許宗彥周生

玉醞靈芽霜含嫩葉相思種就仙草堆繡囊青浮  
筠簞紫淺撻獸爐紅小停針暗吸看颺出柔情多

少閒傍雕闌竝立濃麝怕被花惱 底事消磨客

抱剔蘭釭片雲低繞算是最繁情緒酒闌人悄半

露萸尖小握待遞與纖纖一枝好肯敢櫻唇幾絲

翠裊

天香

汪如洋潤民

何處移栽種玉田佳名早傳試筠筒巧截吸來初  
滿絲囊深貯探處還便石火催敲鑪香倩熱霧閣  
雲窻指顧閒閒庭悄鎖相思一縷消向誰邊 齒

芬牙慧堪憐比爛嚼檳榔味更鮮慣引他吟興僅

呼酒後助他談屑客到茶先鼻嗅偏濃水吞差辣  
嗜好人心笑屢遷風前語願牢持桂信聽我蘭言  
沁園春

潘奕雋榕皋

何人種出相思草依人欲化情絲  
曼賦到淡芭菰  
繾書故事無香銷吟未就春困針  
作繡合伴一  
甌茶輕圓泛乳花  
菩薩蠻

姚 淳舒齋

湘筠細細巫雲朶朶風味無多較可燈前繚繞慣

遮人吹一縷清芬到我 時攜時挈隨行隨坐撚  
作團團小顆香喉裊出許多情也只爲星星兒火  
鵲橋仙

洪 樸素田

芬草靈苗金絲瑞葉餐來別樣清醇微消軟飽薄  
褪輕寒最憐含吐櫻脣葢露鮮新配檳榔滋味一  
種宜人醖美透湘筠似壚頭卓女燒春 記鬪草  
歸來白波捲罷茶前酒後呼頻相思成雅癖又何  
妨相近相親幾度凌晨巫雲夢惺忪爽神繡羅囊

與君終日隨身長相思

蔡春雷雲卿

睡鴨香沉飛鳧燼令絲絲忽裊烟霧錦袋閒攤湘  
枝小挈還情春葱傳取如蘭吹氣破一點朱櫻輕  
吐暗祝篆成心字方便爲儂颺去絕似餐霞吸  
露采花田購從行賈別種風情醉醒睡餘無主只  
合荷簫遞與待好把無題試題句一寸紅灰相思

閒譜

天香

烟草譜卷八

烟草譜

題詞

隨得隨登  
不拘齒爵

馬德溥心友

莫煥

淡巴菰葉茁青青聖火傳來發異驚  
二管生花才子筆著成烟譜配茶經

數典徵名廣見聞新編奇麗亦煙雲  
雖然多識猶餘緒博洽而今合讓君

諸聯晦薌

青浦

薦譜新裁訂熙朝第一篇  
舌根能辨草腴底尙

籠烟韻事揆尋遍相思滋味全誰云斷火食始可  
學神仙

湯顯業蓮儂

青浦

六籍無茶字五帝肇酒名酪奴暨歡伯旋著史若  
經仁草最後出紀首齊永明萬口漸同嗜結侶茲  
先生漳泉挺異卉勝國尤盛稱造作淡肉果醉客  
疑宿醒好種及時種上上擇畦町一碧苗既茁葉  
繁花亦榮采擷夏涉秋居然等西成赫曦仗烘炙  
燥濕斷均平筠筒削寒玉骨節犀通靈其本穴金



鐵其末嵌瑤瑛其香取內蘊其氣主上升納之如  
文法堆垛戒滿盈吸之如妙語吞吐爲拒迎初如  
東橐熾蓬鬆然作聲繼如葭管吹頃刻飛灰輕菲  
菲蘭麝馥藹藹雲霞蒸梁肉易屬麝果蔬起嫌憎  
擯此詎飢渴痲癖偏因仍華堂集彥會各似銜蘆  
鳴小史執籥侍散人吹簫行遂令詞賦家箋詠加  
品評肖物辨厥性數典信可徵蒐羅誰最富續學  
今陳登鴻筆繼釋草部次極研精詩文佐攷鏡不  
日付汗青戰茗力悉敵飲醇歡得朋相思我正苦

推窗問柳星

沈學淵夢塘

寶山

海國春生一縷烟  
漁梁嶺外碧芊芊  
芝房製作尋常事  
爭補熙朝瑞草篇

著述年年揜竹扉  
銀囊不捲讀書幃  
攜來左右雙筠管  
澹墨濃香玉屑霏

茶力初濃酒未醺  
檢書屬草染蘭薰  
陸家經與蘇家譜  
齒頰流芳定讓君

截竹爲筩暖律吹  
終朝伴我撚吟髭  
何如小閣明

缸畔呼吸烟雲滿幅時

陸之槐著山

青浦

餐霞有客費揆研辟瘴消寒得氣先曾付葯籠推  
妙手又添詩料拍吟肩烟雲吐出攜雙管甘苦嘗  
來積十年一自懺除塵業盡會從香火結因緣

劉灝小槎

通州

相思滋味問何如采入名山好著書丹轉會分爐  
上火青雲直上藉吹噓

何關酒債與茶租逸韻橫生領得無展卷已教香

氣滿不須復買黑於菟

頓看綺室盡氤氳冉冉如蘭細吐芬應怕此心容  
易冷閒來常把繡腸薰

小盒輕攜客到時十年心事此君知生來自有生  
花筆譜出烟雲合一枝

何其偉書田

青浦

食以療飢飲解渴二者缺一不生活有非解渴非  
療飢竟未須臾離此物此物於古書無之烟草詠  
自唐人詩產諸呂宋種閩嶠祛寒辟瘴功兼資初

入中華稱火異明季童謠驚徧地相沿逮今風頓  
移千萬萬人口同嗜嗜之尤者韓尙書魚熊去取  
深躊躇後有太鴻亦至好恨少題詠傳巴菰陳君  
夙號餐霞客兔管筠筒兩難釋慨然三喚菸先生  
滄溪居士有菸先生傳蓋謂烟筒也含芬弗揚是誰責君不見酒有  
史茶有經醴侯森伯從人評衆口未知味外味品  
題始得流芳名爾名非古却宜世合采新聞矧新  
製風流可繼韓厲傳益人與否姑勿計

潘信耘南咳

青浦

烟記得莊嚴經號菸呼龍種瑤州滿磽田

十六字令

煙肇錫嘉名三百年憑誰譜典籍共流傳

前調

蔡春雷雲卿

青浦

瓊島耕雲蠻鄉蒔雨濛濛散含香霧藥錄新收茶  
經繼載風味從今領取祛寒辟瘴甚恁地欲吞還  
吐莫是仙家火食人間卻教傳去 幾經蕙風蘭

露向漳汀載歸吳賈故事誰徵賸有風騷宗主除

却群芳別與又玉陵金題采吟句新話南湖木棉

同譜

調寄天香卽次碧雲香雨樓詞集韻木棉譜上海褚文洲華著載入菽海珠塵中

魏

容約菴

嘉興

唐陸羽著茶經宋竇革作酒譜

聖朝瑞草芬芳

畱得新編君補

粵徽香苗初茁閩山翠卉遙傳恨余不解此味着

人日日凌烟

余素不食烟

金鳳藻芝生

嘉定

石湖不耐喫檳榔未試金絲絕品香今日相思拋  
不得草經補後要平章

一種根塵鼻舌連誰從香火叩因緣慧珠遍記瑤

方以臺春賦

清浦

小隱岑谿感瑟居筠篔簹象管日相於吟安一字燃  
髭後結想千秋抱膝初茹栢餐香無俗韻揚芬摛  
蔘有奇書酒經茶錄羣芳譜莫說今人定不如

張光烈祝泉

婁縣

返魂香自淡巴來勝國時會徧地栽却笑前人都  
艸艸煙雲世界自君開

酒罷輕噓解宿醺茶餘細吸發清芬恰從酒譜茶  
經外又占千秋翰墨勛



宋 鈞吟於 婁縣

瑤島風清長綠萼移來佳植樹春畦芳名百種渾  
難辨畱與騷人細品題

香絨小貯滿囊春萬里雲山慰苦吟自有相思拋

不得非關思婦憶征人

述異記載秦趙間有  
相思草出思婦塚上

鑲鐵輕敲石火明幽閒畫出景 昇平瓊絲入手  
休狼籍也是腴田種得成

揮麈清譚稱靜居茶經酒譜恰相如一編在手焚  
香讀爭似瑯嬛未見書

州五言  
是言  
華勝好語都教一一穿

陸我篙磔莊

青浦

詩人餘事粲花罪例仿丹經薜錄宜採入青編皆  
故實生憐紅豆是相思一篇香草風騷續四座清  
譚露品奇料得夜燈紛校注樊川榻畔蕤蘭絲

家家湘管碧雲含瘴嶺風光與細探組雜酉陽評  
硯北歌徵子夜憶江南盟來桑苧茶星補隱去通  
明藥味參呼吸未諳還自笑

嵩生平未  
嘗此味

拾君牙慧

尚流甘

金鳳奎東梧

嘉定

古人製飲食茶酒皆有譜菸草最後出明季入閩  
土其種來淡巴今則徧寰宇瘴厲藉以辟嚴寒藉  
以去維天生一物利用亦云鉅爾雅名未釋本草  
類難數何人爲紀載芳名悉訓詁吾聞韓元少雅  
好日飲茹題品屬門人詩歌在何許又聞汪抒懷  
譚書厯寒暑欲成金絲錄其書猶未覩今君稱博  
治事事錦囊貯搆摭盡詞家梭羅及說部選義而  
攷辭羣分又類聚齒頰畱芳馨烟霞自沉痾當與

茶酒經各自成千古

徐

俛蘭吟

青浦

天爲熙朝生瑞草飽可使飢飢使飽筠管攜來  
噓吸頻滿室雲烟看繚繞舌端滋味妙難傳一概  
閒愁能除掃辟瘴消寒更有靈種從呂宋能談討  
有客搜奇手訂裁佳話紛紛作新彙年來吾亦解  
相思瀏覽瑤編特傾倒

張旋吉味閒

松江

噓氣成雲嗜欲狂誰曾舉典費平章譜行直是空

今古收拾烟華入錦囊

遇物知名推博洽  
視於蒿艸少前問  
腹中不是便  
便者難建金絲翰墨勲

劉廷杓蘭坡

通州

擗管興悠然能生滿紙烟  
毫端收不盡舌底吐青蓮

嘗遍草中滋味修成世上神仙  
不續茶經酒史偏從鼻觀參禪

搜羅瑤草付瑤編  
采藥名山已十年  
結得清緣會

消受晚窗微醉曉牕眠

侯士鶚雪亭

上海

管領羣芳已廿年人間烟火亦神仙閒來譜出相

思草不數詞人紀木棉

吾鄉稽秋岳  
著木棉譜

高臥元龍百尺樓揚芬采秀費研搜奚囊檢點皆  
詩料畱與騷壇作話頭

陸德容蕙田

青浦

葢露奈糖品最奇茶餘酒後慰相思名傳閩嶠絲  
千縷味逐湘川竹一枝騷客倦吟明月夜美人停

繡晚風時知君本是餐霞侶譜得新編絕妙辭

金

松夢徵

嘉定

熙朝珍瑞草逸士譜新篇不惜齒牙論因成香火  
緣金絲憑管鑊因果得薪傳爲問芝蘭室青藜幾  
度然

夫子雲間秀名山著作師凌烟虛夙願香草寄相  
思性共巴菰淡詞緣葢露摛此中有真味料得少  
人知

許安泰澹雲

婁縣

繡閣書堂寂寂時銷愁何物最相思攜來三尺湘筠管呼吸通宵伴詠詩

草仁火聖總名菸譜訂於君第一編典故遍搜徵博雅茶箋藥錄並流傳

沈朝楷少白

華亭

著成譜錄繼韓門玉屑金絲竝討論禪榻氤氳茶未熟客寮噴薄酒纔溫芳蘅不丐騷人韻斑竹頻招怨女魂彷彿同心譚一夕如蘭臭味有鬪根

陳璣古芸

青浦



伯仁作酒史君謨著茶錄多才嘉胄緝農桑博雅  
稽含狀草木古來名士半窮經野乘叢譚佐天祿  
方今嗜好重巴菇昔傳呂宋今爭趨辟瘴祛寒需  
葢露船唇驢背羨於菟是草神農洵未嘗相思觸  
處擾柔腸茹時味外非無味咀後香餘別有香阿  
兄素負安間志話雨嘲風多藻思占候裁成月令  
篇按圖補出名山誌一燈如豆惜三餘更復平生

喜讀書點勘奇文分亥豕校讐逸典註蟲魚

兄自詩文

集外有雲間山史二十四節氣解數種并註昭明錦帶書夏小正等書將刊以行世

頻年况

抱餐霞癖日飼金絲等仙液出處流傳悉品評詩

文製治俱詮釋伊予耳食嗟何補玉牒金函未快

靚欲疏靈黠與純鱸恐誤蹲鴟并杖屨

子曾擬作眼鏡尊萊

鱸魚諸志緣見閩淺  
鑑故有志未逮云

欣觀此譜精且博勤撿不羨

倪

一師  
肇韓

作何須曼倩紀探春豈並浮邱還相鶴

從今縹帙付雕鏤吉貝人篋好共傳

褚文洲有木  
棉譜陸梅谷

有人  
參譜

尋常著錄休相擬此是

熙朝瑞應編

陳淵泰上之

青浦

吾家大阮筆如椽著述芸窻已廿年意氣肯居樓

百尺文章滿貯卷三千料量露品添佳話收拾風  
騷補舊編他日茶神當比例焚香也合奉煙仙  
嗜烟尤至厲樊榭執管不離韓幕盧獨惜無由疏  
草木有誰還與註蟲魚今將一種相思草譜出千  
秋未見書雅帙家家應共賞蠶經蟹畧定何如